

» modo in quantum natura hominis interius roboratur
» contra interiora corruptiva.... alio modo, per hoc quod
» munitur contra exteriore impugnationes.

7º Gratia hujus sacramenti ex opere operato producitur, in ipso instanti quo sacrae species in stomachum trajiciuntur; quia tunc proprie fit manducatio vel potus sumptio.

8º Eucharistiae sacramentum aliis quam realiter sumentibus prodesse potest: quia 1º ut opus religionis præstansimum, pro aliis tam vivis quam defunctis offerri potest. 2º Qui hoc sacramentum digne suscipiunt, strictiore cum Christo acquirunt unionem, et efficacius pro aliis orare possunt. 3º Anima quæ divinam alimoniam hanc realiter suscipere non potest, eam ardenter desiderando, gratiam aliquam ex opere operantis consequitur, et est communio spiritualis. Ergo.

9º Peccata venialia actu complacentia, vel in ipsamet communione admissa, ut vana gloria, voluntaria distractio, etc., substantiam gratiae sanctificantis non impediunt; sed illius mensuram minuunt, quia charitatem ex parte laedunt. *Sic omnes post S. Th., q. 79, art. 8.*

PARS SECUNDA.

DE EUCHARISTIA QUATENUS EST SACRIFICIUM.

Vox *sacrificium*, a sacro faciendo derivata, significat, latiori sensu, id omne quod Deo in ipsis honorem et cultum offertur, videlicet orationes, laudes, adorationes, cæterosque actus virtutum, presertim virtutis religionis. Eo sensu dicitur in Scripturis: 1º *Sacrificate sacrificium iustitiae, et sperate in Domino*, Ps. vi, 6; 2º *Immola Deo sacrificium laudis, et redde Altissimo vota tua*, Ps. xlix, 14, et ibid. ¶ 23: *Sacrificium laudis honorificabit me*; 3º *Sacrificium Deo spiritus contributatus, cor contritum et humiliatum Deus non despicies*, Ps. l, 19; 4º *Saci-*

ficium salutare est attendere mandatis, et discedere ab omni iniquitate, Eccli. xxxv, 2, et ibid. ¶ 4: *Qui facit misericordiam offert sacrificium*; 5º *Obsecro vos, fratres, per misericordiam Dei, ut exhibeatis corpora vestra hostiam viventem, sanctam, Deo placentem*, Rom. xii, 1.

Nullum est dubium quin sacrificium, sic generaliter sumptum, semper, pro cunctis hominibus et in omni statu, fuerit necessarium, etiam jure naturali; quia omnes homines libere agentes Deum amare, laudare, benedicere et cultu saltem interno honorare tenentur. Ergo.

Sacrificium vero, stricte sumptum, specialis est virtutis religionis actus, quo supremum Dei dominium in omnes creaturas per alicujus rei sensibilis oblationem et destructionem agnoscitur, et a multis definitur: *Oblatio externa rei sensibilis, divinitus instituta, soli Deo per ministrum legitimum facta, cum destructione rei oblatæ, vel aliqua ejus immutatione, ad recognoscendum supremum Dei dominium in omnes creaturas*.

Dicitur 1º *oblatio*: quæ vox tenet locum generis: omnis quippe oblatio non est sacrificium, sed omne sacrificium est oblatio.

Dicitur 2º *externa*; quia, juxta omnes, sacrificium propriæ dictum ad cultum Dei externum pertinet: non sufficeret ergo oblatio interna.

Dicitur 3º *rei sensibilis*, ut scilicet oblatio aliis hominibus pateat et vinculum sit religionis: sic etiam omnes apprehendunt.

Dicitur 4º *divinitus instituta*; quia exterior cultus non est certe Deo gratus, nisi ab ipso immediate vel mediate fuerit determinatus: sacrificium autem præcipuum est cultus externi actus. Ergo.

Dicitur 5º *soli Deo facta*; quia sacrificium stricte sumptum eminentior est actus supremæ religionis. Ergo soli Deo competere potest, et ideo additur in definitione: *ad recognoscendum, etc.*

Dicitur 6º *per ministrum legitimum*; quia, cum ille actus propter Deum et nomine religiosæ societatis offera-

tur, non a quocumque homine, sed a solo legitime deputo convenienter exerceri potest.

Dicitur 7º cum destructione rei oblatæ, vel aliqua ejus immutatione; ad rationem quippe sacrificii proprie dicti requiritur vel rei destructio, ad supremum Dei dominium perfecte significandum, vel saltem aliqua immutatio, cuius naturam et necessitatem hic non expendimus.

Hæc autem definitio, si applicetur propriis terminis sacrificio missæ, non caret difficultatibus quæ tamen multis theologis graves non videntur.

Vasquez alteram tradidit, quam plures laudaverunt ut magis accuratam.

Sic se habet: *Nota in re qua profitemur Dcum auctorem vice et mortis.*

Duplex distinguendum est sacrificium, unum absolutum et alterum relativum. Sacrificium absolutum est illud quod absque relatione ad aliud perficitur, ut mactatio peccidis: tale fuit sacrificium Christi in cruce.

Sacrificium relativum, seu commemorativum, illud est quod non est sacrificium, nisi virtute alterius ad quod referatur et cujus est commemoratio seu repræsentatio: requiritur tamen præsentia victimæ ut sit ratio sacrificii: tale est sacrificium missæ.

De his longius infra dicemus; sed ea distinctio diligenter notanda est: non nisi ex confusione utriusque sacrificii ortæ sunt difficultates.

Si quod enim apud nos existat sacrificium proprie dictum, est missa, et aliud assignari non potest: itaque, postquam de sacrificiis in genere quædam dixerimus in prævio capite, hanc secundam *Tractatus de sanctissima Eucharistia* partem in sex capita dividemus. Primum erit de existentia sacrificii missæ; secundum, de ejus essentia; tertium, de illius effectibus; quartum, de iis pro quibus offerri potest; quintum, de ejus ministro; sextum, de conditionibus ad legitime eclebrandum requisitis.

CAPUT PRÆVIVUM.

DE SACRIFICIIS IN GENERE.

De solis sacrificiis stricte sumptis vel proprie dictis hic nobis agendum est, *ut ex jam notatis patet.*

Sacrificium autem proprie dictum sub triplici respectu considerari potest, ratione materiæ scilicet, ratione formæ et ratione finis.

Ratione materiæ, dividitur in victimam seu hostiam; immolationem et libamen: hæc nomina et sequentia ex Veteri Lege deducuntur. *Victima* seu *hostia* dicebatur sacrificium quo offerebantur Deo animalia, sive quadrupedia, ut boves, vituli, oves et capræ; sive volatilia, ut columbæ, turtures et passeræ: *immolatio* erat sacrificium quo offerebantur Deo res inanimes, sed solidæ, ut fruges terræ, panes, thura et alia hujusmodi: *libamen* erat sacrificium quo offerebantur liquida, v. g., vinum, oleum, sanguis, etc.

Ratione formæ seu modi quo siebat sacrificium, dividebatur in holocaustum, hostiam pacificam et hostiam pro peccato. *Holocaustum* erat sacrificium, in quo tota res oblata comburebatur, et in fumum resoluta, sursum ascendebat, ut per totalem destructionem ejus supremum dominium Dei clarius significaretur. *Hostia pacifica* dicebatur sacrificium in quo una pars rei oblatæ comburebatur in honorem Dei, altera in usum sacerdotum cedebat, et tertia in usum ipsorum offerentium: sic quædam perficiebatur communio inter Deum, sacerdotes et populum. *Hostia pro peccato* erat sacrificium in quo una pars in honorem Dei comburebatur, et altera cedebat in usum eorum tantum sacerdotum qui in atrio templi vescebantur, et ideo *peccata populi comedere* dicebantur.

Ratione finis, dividebatur in latreuticum, eucharisticum, impetratorium et propitiatorium. Dicebatur *latreuticum*, si per se totum in honorem Dei exhibebatur, ut

holocaustum; eucharisticum, si ad gratias Deo agendas pro beneficiis acceptis offerebatur; impetratorium, si ad nova obtainenda beneficia destinabatur; et propitiatorium, si ad satisfaciendum Deo pro peccatis admissis fiebat.

His notatis, quædam statuenda sunt.

1º Certum est varia hæc sacrificia in lege Mosaica fuisse jure divino necessaria; ab ipso enim Deo fuerant determinata et præscripta.

2º Non minus certum est a Deo præscripta fuisse sacrificia in ipsa origine mundi; ea quippe videmus in usu a primis temporibus usque ad Moysen: Cain et Abel, Noe, Melchisedech, Abraham, Jacob, Job, etc., varia obtulerunt sacrificia: *Cain de fructibus terræ, Abel de primogenitis gregis sui et de adipibus eorum, Gen. IV, 3, 4; Noe tollens de cunctis pecoribus et volucribus mundi, obtulit holocausta super altare, ibid. VII, 20; Melchisedech protulit panem et vinum, erat enim sacerdos Dei altissimi, Gen. XIV, 18; Abraham aritem inter vepres hærentem cornibus assumens, obtulit holocaustum pro filio, Gen. XXII, 13; Jacob lapidem erexit in titulum, fundens oleum desuper, Gen. XXVIII, 18, etc.* Hæc autem mandatum Dei positum supponunt, alioquin non fuissent tam uniformia et tam constantia.

3º Si status innocentiae diu perstisset, quædam etiam necessaria fuissent sacrificia; quia, ut ait S. Th., 2 2, q. 35, art. 1, conclus. «Est modus conveniens homini ut sensibilius signis utatur ad aliqua exprimenda, quia ex sensibilius cognitionem accepit; et ideo ex naturali ratione procedit, quod homo quibusdam sensibilius rebus utatur, offerens eas Deo in modum debitæ subjectionis et honoris, secundum similitudinem eorum qui dominis suis aliqua offerunt in recognitionem dominii: hoc autem pertinet ad rationem sacrificii, et ideo ratio sacrificii pertinet ad jus naturale.» De natura igitur est veræ religionis ut quoddam sacrificiorum genus Deo offeratur: at modus lege positiva determinatur.

4º Sacrificia cruenta post lapsum hominis a Deo pre-

seripta, in quibus sanguis victimarum effunditur, profunda indicant mysteria videlicet: 1º hominem peccatorem redémptione indigere; 2º sanguinè redimendum et a peccatis ablwendum esse, quia carni et sanguini acquiescendo, peccaverat; 3º Deum condignam non exigere satisfactiōnem ab ipsis peccatoribus, sed meritorum et satisfactiōnum substitutionem misericorditer accipere; 4º non omnes victimas pari modo ipsi gratas esse: unde animalia fera, nociva, horrorem excitantia, ut lupi, tigres, aquilæ, serpentes, etc., Deo non offerebantur in sacrificium: bene vero animalia mansueta, pura, ad usum humanum apta: hinc mundorum et immundorum distinctio, tempore Noe jam existens, et per Moysen renovata ac firmata.

Hæc penetrationem intelligentiæ nostræ longe superant, et nihilominus velut certa admittenda sunt, propter summam Dei auctoritatem.

5º Ex divina sacrificiorum cruentorum institutione, in ipso mundi exordio facta, varii orti sunt ritus, apud diversas gentes usitati, victimas immolandi: omnes populi persuasum habuerunt, et innumeræ gentes ethnicae nunc extantes adhuc persuasum habent, divinitatem sacrificiis placari et propitiā erga homines reddi. Hinc ubique præcipiūs religionis actus, in honorem Dei veri aut facti exercitus, fuit effusio sanguinis, sive animalium purorum, raro immundorum, sive hominum; fere ubique enim, in falsis religionibus, immolatae sunt victimæ humanæ, saltem in extraordinariis periculis, quia credebatur hostias minoris pretii pro tanta obtainenda gratia sufficienes non fore.

6º In crudelibus istis consuetudinibus et in monstruosis hujusmodi erroribus quædam supersunt traditionis vestigia, communem originem attestantia, nempe lapsum hominis, redēptionis necessitatē, Redemptoris promissionem, sacrificiorum cruentorum præscriptionem, in figuram cruenti et pretiosissimi sacrificii quo redimendus esset mundus. In ea quippe hypothesi, diversæ populorum consuetudines, circa sacrificia Deo offerenda, facile explificantur, et, sepositis his fundamentalibus fidei nostræ dogmatibus, nulla illarum assignari potest ratio.

7º Soli Deo offerri potest sacrificium proprie dictum : sic omnes apprehendunt, juxta hæc S. Aug., de Civitate Dei, l. 10, cap. 4, verba : « Quis sacrificandum censuit, nisi ei quem Deum aut scivit, aut putavit, aut finxit ? » Fuerunt enim homines qui se deos haberi voluerant. « Rarissimi autem commemorantur, qui sibi ut sacrificia retrur, cum regia potestate possent, ausi fuerint impetrare rare, » inquit S. Aug. contra adversarium Legis et Proph., l. 1, cap. 18. Sacrificia igitur falsis numinibus apud gentiles oblata, a dæmonibus veri Dei æmulatoribus inducta fuerunt, et in ipsorum honorem cedunt : in eo namque positum est gravissimum idolatriæ crimen, quod honores soli Deo debiti ad creaturas maxima impietate transfrantur. Unde Apostolus, I Cor. x, 20 : *Quæ immolant gentes, dæmoniis immolant, et non Deo.*

8º Cuncta Veteris Legis sacrificia ingens sacrificium a Christo pro salute mundi in cruce offerendum adumbrabant : *Finis enim Legis Christus, ad justitiam omni credenti*, Rom. x, 4. Est agnus, qui occisus est ab origine mundi, Apoc. XIII, 8, nempe in victimis eum repræsentantibus, quæ multiplices erant et diverso ritu offerebantur, ut varias magni sacrificii circumstantias significant, et efficerent ut res una tanquam verbis multis diceretur atque sine fastidio commendaretur. Facile autem monstrari potest vetera sacrificia eorumque cæremonias cum Christo ejusque sacrificio optime quadrare : v. g., mactabantur victimæ, Christus immolatus est ; sacrificium pro peccato simpliciter dicebatur peccatum ; Deus Eum qui non noverat peccatum, pro nobis peccatum fecit, ut nos efficeremur justitia Dei in ipso, II Cor. v, 21 ; præscribebantur victimæ mundæ, Christus autem erat sanctus, innocens, impollutus, segregatus a peccatoribus et excelsior cœlis factus, Hebr. vii, 26 : corpora victimarum extra castra cremabantur, Christus extra portam Jerusalem passus est, etc.

9º De fide est Christum figuræ sacrificiorum Veteris Legis adimplevisse, et cruci affixum, seipsum Patri pro peccatis totius mundi offerendo, verum consummasse sa-

crificium : *Tradidit semet ipsum pro nobis oblationem et hostiam, in odorem suavitatis*, Eph. v, 2 ; *Christus semel oblatus est, ad multorum exhaurienda peccata*, Hebr. XXVIII, 9 ; *Cum clamore valido et lacrymis offerens, exauditus est pro sua reverentia*, Hebr. v, 7 ; *Una enim oblatione consummavit in sempiternam sanctificatos*, ibid. x, 14.

Dogma istud est fundameatum totius religionis Christianæ et ab hereticis adhuc credentibus non negatur, bene vero a rationalistis qui vix nomine sunt Christiani, et in Tractatu de vera Religione confutantur.

CAPUT PRIMUM.

DE EXISTENTIA SACRIFICII MISSÆ.

Jam monuimus Eucharistiam non consistere in actione transitoria, sicut alia sacramenta, sed in ea distingui confectionem et statum permanentem : actio qua divinum illud sacramentum conficitur, variis nominibus appellatur, scilicet, apud Græcos, μασταγγια, id est *introductio ad mysteria*; συναξις, seu *conventus* aut *cœtus*; ερωγρα, *opus sacrum*; εὐλογια, *benedictio*; λατρεια, *adorationis cultus*; βισια, *sacrificium*, et præsertim λειτουργια, idem significans ac *opus sacrum* publicum, quia *confectio* divinae Eucharistiae præcellentissimum est *opus sacrum* : apud Latinos vero præcipue dicitur *collecta* vel *collectæ*, quia illius occasione populus in unum colligitur; *dominicum*, quia sacratissima est actio, ex institutione Domini facta; *oblatio*, quia divinae majestati offertur; et communius *missa*, quæ vox neque Hebraica neque Græca est, ut quidam voluerunt, sed evidenter Latina, apud solos auctores Latinos usitata, a verbo *mittere* derivata; quia, re consummata, populus dimittebatur, publice dicendo, *Ite, missa est*. Missa pro missione ponitur, sicut collecta pro collectione, et sensus est : *Missio seu dimissio vobis datur, ite.*

Duplex olim siebat populi dimissio, inter ritus pro confienda sacra Eucharistia constitutos : una post evan-